



紫石泉山房文集卷十

墓銘墓表

海峰先生墓誌銘

先生姓劉氏諱大樑字耕南號海峰同城人也曾祖曰
耀明崇禎時以貢士廷試授歙縣訓導祖姓父柱皆縣
學生先生狀貌豐偉而性情直諒寬博讀書工辭章之
學自古文亡於南宋前明歸太僕震川暨我

朝方侍郎靈臯繼作重起其衰至先生大振其才之雄
兼集莊騷左史韓柳歐曾蘇王之能瑰竒恣睢鏗鏘絢

紫石泉山房文集

卷十

爛足使震川靈臯驚退改色詩亦孕育百氏供我使令
元明以來辭章之盛未有盛於先生者也年二十九應
舉入京師巨公貴人皆驚駭其文而尤見賞於方侍郎
暨吳荆山閣學以爲昌黎復出已而兩中副榜貢生以
終乾隆之初邵開府余京兆欲薦先生賢良方正辭會
舉博學宏詞方侍郎以先生薦及試爲大學士張文和
所黜而文和後大悔洎乾隆十五年

詔舉經學文和獨舉先生而文和旋去位乃出爲教諭
於黟黟士至今感誦先生教育之仁不息



國家用經義選天下士而先生以振古之文生於
列聖相承文教累洽之日又有持權者爲之引延而卒
淪溺下僚不獲展其才以沒則信乎命之窮也然而富
貴之榮沒則寂焉斗筭之功名亦澤竭則忘焉天地之
光華一日不掩則先生之文章一日不磨昇先生以曠
世不數昇之才而特假巖壑寬閒之歲月以成先生千
古之榮天之眷佑之者至矣即使先生數奇屈於生復
屈於死卒致泯沒於無聞而先生之可不朽乎此生者
自在也其又奚懟焉所著有詩文集已久行世其卒也

以乾隆四十四年十月初八日年八十有二娶吳氏生
子三人皆早死以兄之孫符琢爲長子介後嘉慶四年
十月某日葬先生於梅子嶺先塋之左門人吳定涕泣
爲之銘曰

文雄千古遇屯一時一時之屈千古之師豈無公相高
鐵霆飛百千灰滅公尙巍巍韓歐之側配食攸宜謂予
不信請視來茲

程景卿評先生一伐鴻儒非高弟雄文不能銘其幽
宮讀此如太史公傳李將軍不遺餘力矣

鄭府君墓誌銘

君姓鄭氏諱賓浦字東喁先世自東晉時有諱庠者爲新安守家焉歷傳至宋遷歙之巖鎮南山君巖鎮南山人也南山鄭氏故巨商至君之考朋錫遭亂中哀然以孝弟聞名載邑乘君亦以孝弟紹其前光者也年未冠思興復舊業以歡厥考心遂偕伯兄泛洞庭涉漢沔以治其生而君所獲獨多不數年業大振其後父旣老爲擇爽塏之地築室居之老人病脾食入輒凝積君諷父駕輿游觀以滌蕩其食父笑曰吾婁人也今少康遂揚

紫石泉山房文集

卷十

三

揚驕閭里哉君乃令鄰人僞設博局博半輒鬪鬪聲徹牆屋父怒曰此何爲者君徐曰若輩向役於人以自活今閒也故爲此也大人盍饋之錢命之御而行則此患弭矣於是父欣然以君言爲然又念老人無朋好宴游不憚而二三宗老又皆窮窶不能供具豆觴更迭爲主君乃私以酒食之費遺之由是老人得日與宗族耆舊往來飲酒歌笑詼調不知其老也君豐於財與兄弟同之自恨未卒儒業而隆禮賢師傅以訓其子故君之仲子奇樹卒以文學致通顯爲聞人其卒也以乾隆乙酉

二月廿一日享年七十有六待選州同知配汪氏繼室
程氏程氏卒又以其妹繼之今尙在子二人樹綱待選
州吏目已卒奇樹庚寅舉人官山東濟南府同知女二
長適附貢生吳之寵次適待選布政司理問徐世璣而
君及君之配皆以子奇樹而任知縣時得贈如其官孫
六人光倫光鼎光徽光印光陞光震多有爲博士弟子
及入成均者而光倫出爲君之弟寬浦之子文楹後曾
孫四人基穀基高基華基固皆幼基高承光印後小子
定於君家世有姻連君之仲子奇樹定伯叔行也以乙

卯年十月十八日葬君於石際邨之洪八塢而以前母
夫人程氏祔之於其葬也屬爲之銘銘曰

嗟世之人不夏而熱朝耀其鉞不冬而藏暮闕其光惟
君鬻鬻循典常噫君循典常後其昌矣孰短孰長

王濱麓評叙次生色

山西臨晉縣知縣吳公墓誌銘

公諱開字來儒先世自唐左臺御史少微始家休甯十一傳而徙歙又十四傳而徙歙之巖鎮曾祖銑鄉飲正賓祖瀚候選州同知父正道郡學生公雍正己酉選拔貢生令山西陽高改臨晉嘗攝大同府通判兼攝萬泉滎河猗氏虞鄉永濟等縣公爲政廉善而才所至案無壅牘獄無淹囚烝烝以治官十六年卒困於百里之任以死至今士大夫爲公惜之公之治訟也凡民所獻狀手自判示不假賓僚宜訊鞠者不二三日卽集其人鞠

之往往片言輸服久之訟日罕其徵糧也令民自函其財投之府庫數浮者以榜徧告歸之其人初民爲吏誑有棄田宅鬻子女以償者至是相顧嘆訝遂輸將如恐不逮尤加意振人才型風俗士蒙其訓民革其偷者甚衆蓋公爲政之大指如此公之在臨晉也一日升堂聽政父老千百爲羣老杖幼攜徑躋堂上公大驚父老曰無異也吾儕小人久歷公澤而獻額於公也公三辭父老卒張懸羅拜而去其辭曰萬民食德云乾隆丙寅閏三月十七日公卒於臨晉年五十有四及柩還白衣冠

送之郊外者數千人哭聲百餘里不絕嗚呼斯亦足以知公之政矣公生平未嘗納賂於民然亦無以餽獻上官有所執必力爭上官滋不悅嘗念宗祠隘陋重建寢堂俾得合族以祀其爲費微而所有已告竭公旣亡其子孫常至日不再食嗚呼公雖賢而抑沒於上官然上官亦嘗數數嘉其績矣乃卒滯公下僚至不克庥磨其後昆而沒吾聞螢隨時而出蟲應節而鳴無非教也君子苟心契夫屈伸存亡之理遇雖窮而怨尤可不作矣所著有讀黃合志一編行世餘集藏於家配鮑孺人繼

配許孺人子一人棧乾隆丙子舉人陝西高陵縣知縣孫六人壬寅四月葬公暨兩孺人於田西山之陽從弟之子定敬爲銘曰

山莽莽其相接兮草離離以白也闕志士才人於終古兮善莫之發也漑大釜以烹小鮮兮君子以爲澤猶及物也抗鸞音以長嘯於太虛兮幸吾節之未失也

再從兄惟翼墓誌銘

先生歛之巖鎮人姓吳氏諱之寵字惟翼曾祖文瀚候
選州同知祖正遂中武試舉人父閻太學生先生少游
庠序負其才冀効之官守會父捐養家貧門以內待先
生具饗膳者環向乃太息棄去而爲富商規畫鹽莢之
業於池州以舖其家後遷漢陽當是時先生上有伯兄
春秋高矣弟炳文赴官甘肅聞母赴奔還不復仕自兄
弟下逮兄弟子女衣食婚嫁皆先生一身任之凡二十
年無怠晚遇疾休憩於家歲餘少瘥將復謀食漢陽定

紫石泉山房文集

卷十

七

曰兄老矣而疾之本未拔一旦復作將若何先生泫然
不語良久曰吾亦憂之矣因指家人示我曰若之何既
詣漢陽明年爲嘉慶元年先生年六十有七春二月疾
作圖歸越十有一日舟次九江卒嗚呼世之君子亦有
以貨財惠逮兄弟者矣先生則盡傾所獲無豪髮之徇
其私甚且不難殞身以相保是可尙也始先生無子伯
兄以子後之名曰錫履晚舉子錫爵旣冠矣於先生沒
之後二年亦卒錫履將以某年月日葬先生於某里之
原再從弟定爲之銘曰

什伯驚馬奔突於康衢兮而良駿不遇也輕性命以仁
其弟昆兮竟死於中路也天乎天乎孰知其故也

紫石泉山房文集

卷十

八

再從兄協廷墓誌銘

再從兄之寵有母弟曰之宗字協廷少偕兄並游學宮而文學邁兄上後入成均改名炳文以分理四庫書勞議敘得甘肅州同知欵距甘肅五千餘里甫至聞母訃奔歸以貧窘於行喪除遂不復赴娶徐氏無子伯兄之寅以季子錫詔爲君子女二一適太學生朱灼一適縣學生汪金一未嫁而歿其後君年六十有六妾曹氏產一子曰錫蛟而是年十月十五日君卒卒之後四年錫蛟亦殤嗚呼以君茂於學美於文博科第有餘也以君

宅心忠厚制行正方接物謙退卽享無疆之福非倖也而所值顧如此吾思昔賢所謂富貴福澤貧賤憂戚云者自天施之無非教也○自人受之無非學也○此義明而後補慶歿之說所未備而益嚴反身之道焉錫詔方求地葬君定老矣恐不及送君葬而先爲之銘曰

痛君將徂執子之手以半歲遺孤委託於我子泣語君定奚能爲竭予之力以答君知歲纔六遷兒以殤死鞠兒違方禍乃至是中夜省愆類常有此君德長留兄子猶子續我先人何區彼此銘以昭君億春不毀念昔同


堂十三昆弟士賈習殊均同憂喜獨我與君愛尤浹髓
欲答君知此生已矣

王瀆麓評簡潔中有精確之語銘尤沈痛

紫石泉山房文集

卷十

十



王瀆麓評簡潔中有精確之語銘尤沈痛
堂十三昆弟士賈習殊均同憂喜獨我與君愛尤浹髓
欲答君知此生已矣

鄭用牧先生墓誌銘

先生休寧人也。休寧與歙境相鄰，而先生產於兩縣，人文最盛之日，當是時以考訂之學名天下者，有戴東原、程易田、金彥中，以古文名者有吳蕙川，以制舉之文名者，則有潘在澗、胡澹中、胡珮聲、胡授毅、方兩、三方、賡、原。以逮先生，先生與此數君皆友善，數相過從，各以所長相攻錯。然是時漢儒之學盛行，求其於四子六經之書，力宗程朱之釋，而不可有片語之違者，則惟先生故。先生雖與諸君子相得甚懽，及講論經義，常至於不合而

紫石泉山房文集

卷十

十一

爭鳴呼觀。先生志趣所嚮往者如是，則其行可知矣。夫以君子之論觀之，宗程朱者貴宗其道也，宗其道即宜宗其言，固也。然有其言雖善，而或揆之立言者之旨，偶未之符，不惟不足貽玷高賢，亦不必爲高賢蓋藏也。後之人苟克窮思研慮，契聖人之謦欬於微茫而不敢盡與之比附，吾知程朱公天下萬世之心，且欣然樂與之也。必一言一字阿所好而從之，未矣。然當此過崇漢學，以抑宋賢之世，如先生者，蓋可多得哉。先生諱牧，字用牧，年七十有，以歲貢生終。子五人，曰珠、曰文，皆縣學。

生將以某年月日葬先生於某里之原而乞銘於予予素善君者乃爲之銘曰

塵○塵○乎○其○行○修○郁○郁○乎○其○文○工○然○而○不○可○挽○者○君○命○之○窮○嗚○呼○於○命○爲○窮○於○道○爲○通○君○又○奚○恫○

王濱麓評鄭先生學行志趣盡與傳出讀之直如復見其人銘辭亦古



良其人

王濱麓評鄭先生學行志趣盡與傳出讀之直如復

見其人銘辭亦古

王濱麓評鄭先生學行志趣盡與傳出讀之直如復

見其人

王濱麓評鄭先生學行志趣盡與傳出讀之直如復

葉元習墓誌銘

歙西之溪南邨有君子焉姓葉名蟾枝後改名敷元習其自號也曾祖元標祖本宏皆不習詩書而克力於善父諱臨洙浙江籍舉人生子三仲卽元習也元習少喪父養母夫人盡歡事兄撫弟皆友愛兄亡哀毀殊甚越旬日母又亡元習三日始食糜鬻如禮以哀毀連續罹疾旣疾而猶強自勤於喪以故疾不得瘳而卒嘉慶三年五月初十日也元習之學以朱子爲宗凡先儒講說其義有與朱子異者必排之初定嘗取勉齋狀朱子之

紫石泉山房文集

卷十

七

文日玩誦之以爲己法元習甚稱善及與之講論聖人之經則所見又或不敢盡與朱子合元習拂然曰不從其言而能行其道非敷所聞也性剛直不事矜飾亦不肖爲令色諛辭以取媚富貴人意以故鮮所合督學使者趙公佑素以嚴毅蒞諸生不可輒撻之嘗視學至徽州坐明倫堂命元習說四子書元習固持朱子之說至與學使爭不少挫當是時天下士習亦少凌夷矣非中心悅朱子之道而力行之者其能不震懼於威武若此哉元習曩語定曰士克超然獨立於干仞之上則不爲

吳蕙川墓誌銘

君諱紹澤字蕙川歙之溪南人也祖諱邦佩父諱鎔伯
父鎔無子以蕙川後之蕙川爲富貴之裔而樸誠謙退
尙信義雍然儒者少讀書於歙西之靈金山上與方晞
原偕處新安儒雄之士如鄭用牧戴東原程易田金鑊
中數往來山閒互以經術文章相督勸號一時之盛年
既壯師事桐城劉海峰先生學爲古文辭業益以擴聲
聞燕越吳楚之交予嘗與桐城王濱麓數訪蕙川一日
蕙川盛治壺釐相與遍游園林眺覽山川之雄秀蕙川
因侈陳性古豪俊非常之士建功名走萬里外作爲文
章宣布朝廷威德氣甚壯也已而四顧唏噓俯首淚下
予與濱麓啞然笑之則曰此予疇昔之志也嗚呼今已
矣蕙川家多文學之彥其從父昆弟或成進士官翰林
而少年共馳驟於靈金山者亦半爲達官以去獨蕙川
年五十有三以諸生卒海峰先生嘗悼心古文之壞於
今七百年而蕙嘉尙蕙川之辭有歐陽子遺音竟其學
可頡頏之也嗟吾蕙川功名不獲建矣而文章亦未及
大其成奄然違世百年之後蕙川之風流其無乃歇絕

乎此尤可爲吾蕙川弔也其卒也爲乾隆五十二年八月初七日娶鄭氏無子以弟紹瀛之子棫爲君後將以某年某月某日葬蕙川於某山之陽銘曰木蕭蕭兮風急若有人兮太息齊旦暮兮古今嗟有懷兮誰畢魂兮歸來安君宅

王濱麓評此文出蕙川風流百世不絕矣讀至後幅直令人唏噓流涕不能已

鮑君墓誌銘

鮑君諱嘉命字鸞書一字鏡湖歙之巖鎮人也六世祖
諱登明國初隱居奉母不仕曾祖諱蕃蕃候選州同知
祖諱善基庠生父諱倚雲優貢生君生十歲卽出爲伯
父諱倚樓後性豁達少偕兄嘉邕承生父受學以藝文
震於庠父兄沒遂放游吳越閒以飲酒歌詩爲樂家甚
貧君不屑屑慮往往傾己所有以贖賙人故人無賢否
皆慕與君交賓朋日盛子嘗與君應省試聚金陵會日
霽君挈子陟幕府之山訪烏衣之巷慨然想見王謝諸

紫石泉山房文集

卷十

七

子功烈之隆俯仰江山淚數行下子異之君曰大丈夫
生逢盛世不克變化如龍蛇茫洋上浮雨澤六合顧安
能終日困縛如轅下駒哉因極言人生得喪如雲霞之
變幻太空如風之過耳囊有一錢卽出以贖故舊賑貧
氓以適我之性奚爲不可乎旣遨遊久之無所合遂益
不問妻孥生產以爲常君之配唐孺人者同縣槐塘人
也曉書史大義姑晚善病不解衣以侍者經年君旣困
於游孺人賴有兄歲周其乏然所入常不支孺人忍飢
教育諸子女甚勤無愠色君之得以嘯傲湖山無憂家

室者孺人之助也君以乾隆乙卯閏二月二十四日卒年五十有四先是癸丑八月初二日孺人卒年四十有九其卒蓋先君二年子四曰桂星中順天王子鄉試以教職用曰金聽承兄嘉邕後曰珊曰桂枝皆幼長女適孺人之姪唐澧次適畢掄甲次未字孫一曰庚桂星少而才嘗從子游將以某年月日合葬其父母於某山之原而請銘於子銘曰

仁不盡施而畢於斯豈人爲之抑天爲之噫天旣爲之而君又奚悲

紫石泉山房文集

卷十

六

王濱麓評悲壯頓挫

不盡施而畢於斯豈人爲之抑天爲之噫天旣爲之而君又奚悲

翰林院修撰金先生墓誌銘

先生姓金氏諱榜字藥中一字輔之晚更號榮齋先世自杭州徙歙北呈坎二十二傳徙郡城又六傳而先生之曾祖五聚徙歙北趙邨祖公著乃自趙邨復徙巖鎮今爲巖鎮人乾隆戊辰進士官吏部稽勳司主事諱長溥者先生之父也以翰林官御史出爲浙江督糧道諱雲槐者先生之兄也先生少負偉志思博學深造爲通儒而不屑溺沒聰明於科舉之學受經學於江永慎修暨戴震東原學詩古文辭於吾師劉大樾耕南學科舉

紫石泉山房文集

卷十

五

之文於方黎如朴山數君子者各以所長擅天下先生或師之或友之而皆得其宗故其學偉然爲江南魁俊嘗語定曰予之獲師友此數公者生平之幸也吾聞猿得木而捷魚得水而鶩士之有明師賢友也猶百鳥依鸞皇而毛羽因之改色也君子其急求天下士廣交之乎年三十一試爲其職雖顯公養其自誠博學其學高宗南巡以詩賦蒙二十二年試其學又六試而中恩擢受中書舍人越七年成進士殿試一甲第一人官翰林院修撰嘗一出爲山西副考官以父喪歸遂不出

遠於經尤深於三禮自江慎修開經學之宗先生暨東
原皆其弟子由是新安經學遂冠於時桐城姚姬傳嘗
曰

國家經學之盛在新安古文之盛在桐城識者以爲知
言所著有禮箋一書詳稽制度卓然可補江戴之缺而
尾隨之必傳於後無疑也始先生登第時齒盛名高扶
掖者衆乃獨浩然勇退杜門深山沈浸於著述有諷先
生復登朝者先生笑曰富貴者一日之榮也所謂夏日
之裘冬日之簪時過則無所用之者也君子縱不獲爭

紫石泉山房文集

卷十

十

光○日○月○或○者○猶○得○此○壽○邱○陵○乎○嗚○呼○此○其○見○卓○矣○曩○先
生嘗招定館於其塾訓其少子童孫漏三下往往猶相
與講學論文不輟甚相得也而今乃濡淚銘先生先生
以嘉慶六年六月十一日卒年六十有七始娶吳氏續
娶洪氏汪氏子二人應璫太學生應璣郡庠生孫四人
銘恩培恩達恩炳恩曾孫一人希曾將以某年月日葬
先生於某鄉某原定老矣豫爲之銘曰

赫赫榮名世莫匹兮衆羣豔之中心折兮先生曰嘻電
飄警兮龍蛇蚯蚓同埋沒兮翳惟名山之藏顯億祀兮

彌光

紫石泉山房文集

卷十

三

陳孺人墓誌銘

揚州有布衣朱君二亭者以飭行工詩名江淮閒予昔嘗與之游後十餘年予復來揚州則二亭已瞠然老矣踰月二亭之繼室陳孺人年七十以無疾終二亭哭之哀久之踵門告子曰予少孤及長母爲予娶里人袁氏女爲婦越五歲連舉二子而殤袁氏尋亦卒繼室姓陳氏瓜洲人生二十五年來歸時子母以痛袁氏婦之故成肺疾陳氏勤苦侍湯藥不敢違離寢門者凡五寒暑母棄養家益貧子館於四方以所入服脩寄遺於家者

紫石泉山房文集

卷十

三

恒不給陳氏杜門勤女紅課子讀書無愠色予得捐內顧憂不至以貧失其守者陳氏也其沒也以乾隆四十五年九月十七日子一慎履縣學生將以五十六年某月某日葬城北淮子橋祖塋之次耐於嫡妻袁氏之墓願先生爲之銘予聞而嘆曰昔三后盛時卿大夫下逮士庶類能尙義賤利以廉讓相矜而其婦人亦皆明於進退去取之分安守窮約所爲比戶禮義廉節之聲相聞也周衰先王明章婦順之訓鬱塞不彰不幸至有室人交謫之憂雖安貧嗜義之賢亦或爲之隳節勢使然

也。易。家。人。之。義。首。尚。女。貞。不。過。曰。无。攸。遂。在。中。饋。蓋。飲。食。烹。飪。之。細。婦。之。佐。其。夫。爲。賢。人。端。士。爲。貧。夫。敗。類。者。胥。繫。乎。此。豈。不。大。哉。若。孺。人。者。可。以。則。矣。乃。應。二。亭。之。請。而。爲。之。銘。曰。

猗。嗟。孺。人。兮。徽。音。已。矣。生。不。逮。祿。養。兮。竟。止。此。矣。銘。以。昭。之。兮。與。此。山。相。終。始。矣。

湖文卷與山房文集

徐文卷八卷八音曰良坐不極類卷八音出此矣

而而氣文卷曰

音澤辛執豈不次姑音爾入音而也則矣

食。烹。飪。之。細。婦。之。佐。其。夫。爲。賢。人。端。士。爲。貧。夫。敗。類。者。胥。繫。乎。此。豈。不。大。哉。若。孺。人。者。可。以。則。矣。乃。應。二。亭。之。請。而。爲。之。銘。曰。

出。良。家。人。之。義。首。尚。女。貞。不。過。曰。无。攸。遂。在。中。饋。蓋。飲。食。烹。飪。之。細。婦。之。佐。其。夫。爲。賢。人。端。士。爲。貧。夫。敗。類。者。胥。繫。乎。此。豈。不。大。哉。若。孺。人。者。可。以。則。矣。乃。應。二。亭。之。請。而。爲。之。銘。曰。

贈禮部郎中程君墓表

君諱斯覺字既莘姓程氏歛之臨河人新安郡縣志所載明末隱士諱自玉號申持子者君之祖也申持子遭世變足不踐城市用是家貧君生二十年而申持子沒當是時君之父維陟已逾艾有弟五人幼女弟六人未嫁家人仰君全活者相望初君幼入塾日兼數童子課有閒輒喜兼治他藝聞洪總戎一新工騎射則喜學騎射聞族人程徵工篆刻則又學篆刻已而遭危疾申持子教以學醫疾且久則又兼學奕年十五六狀貌偉然

紫石泉山房文集

卷十

五

能挽強弓舉五百斤石嘗佃漁山澤以試其能曰士讀書固當智勇兼資爲天下用也申持子旣沒慨然曰吾不可貽父以家事憂今而後以醫終吾世矣常擁敝衣冠入諸富貴人宅視疾危坐高談而病者賴以全活無算公有戒凡病奉巫者謝弗往有求醫者諱其事來告至則神像具列公戲脫頭上冠冠之曰爾能爲厲盍厲我卒命徹去始就診而病者多言程某至則鬼物退故所至有神醫之目生平篤於宗姻故舊之誼斷絕至數世者猶時時訪求得之其於興賢繼絕闡幽諸大節慊

既執言往往爭人事如身事卒以醫故得婚諸弟嫁諸
妹育諸子以成人雍正六年正月十六日病革語諸子
曰吾少日讀書千卷豈知竟以醫人老蓬蓽哉語罷感
喟不已而卒享年六十有四葬於幹邨之原宜人王氏
附子六人御龍仕龍翔龍驂龍襄龍建龍御龍舉人駿
龍郡庠生襄龍廩貢生今皆卒襄龍之子世淳中乾隆
辛卯進士官禮部郎中贈君如其官君既葬之四十八
年外曾孫吳定表於其墓曰昔人有言不爲良相必爲
良醫此有激之辭耳昔三代學校之隆未聞豪俊之士
不克遂其志按討聖人之經而遁於他業者也後世富
民之政衰微士不得已假他業以治其生者滋起矣世
變愈降號爲士者甚至毀敗彝倫徇利忘恥而九流雜
家農工商賈乃閒有循循守其孝弟忠信以自表見者
考君所施視世儒之口詩書而身犯不義者遠矣顧生
當盛世亦不幸沈沒於他技以老如此嗚呼三代以下
職業之不足以定人也因仍以然豈細故哉表之於墓
蓋不獨慰君鬱塞未遂之思矣

紫石泉山房文集卷十一

權厝誌壙誌行略

卒於亡友閔宛中權厝誌

巖鎮歎西冠蓋之鄉翩翩儒雅之容絃誦之聲相接也
然予獨私愛宛中與之游而暱焉宛中姓閔氏諱道隆
家貧行修事繼母尤孝年未四十喪其妻遂不復娶善
文章工詩尤工書以歲貢生卒宛中雖貧而善與人交
不爲佞諛亦不爲峻厲刻削之行性好潔所居之廬其
棟宇非有雕鏤之飾也器物非有鼎彝尊俎錦繡之輝

紫石泉山房文集

卷十一

也然而凡無塵垢戶無蠹煩圖書楮墨水石花竹上下
掩映光采四發質至視其室接其人坐而與之言若不
知其何以可悅也心醉焉而已矣諸富貴人慕宛中之
賢多願與之交歡或時招至其室飲酒詠調爲樂然宛
中繩尺常嚴未嘗喪已也大夫士以此多宛中子交宛
中最久而篤旣欽其行而又惜其踐履僅止於此宛中
卒於乾隆五十年十二月二十六日年五十有三後四
年權厝於幹邨之原子四人曰畋曰畦曰經畬曰疇宛
中病時疇年十八以刲股聞嗚呼宛中可謂有子矣

王瀛麓評形貌性情居處服飾一一活現此爲善學
太史公

紫石泉山房文集

卷十一

十一



宋史公
定錄
...

外弟曹侶東權厝誌

外弟曹氏諱南金字侶東歙之雄邨人其母卽定母之
妹也年少力學美秀其文而誠確其言行衆交口譽之
謂異日必能邁其儕而爲通人碩士也然而侶東年三
十有三竟卒悲夫吾不復見侶東矣其卒也以就鄉試
於江寧遇疾遄反乾隆六十年八月廿二日舟次灣沚
而亡幸其兄次玉旅於灣沚爲之經紀其喪而殮之定
聞訃哭於其家慰恤其父母父母年皆七十收淚謂定
曰吾求其平日有不愜於子心者而不得也定聲咽無

紫石泉山房文集

卷十一

三

以應越三日侶東柩反乃權厝於里之隅里故有
同文之會極至之日凡與會者羣設祭道旁素服郊迎
而哭當是時歙雄邨曹氏貴顯壓江南大人先生相望
然在昔紳士旅亡柩反者未聞有道祭哭迎之事有之
自郡學生侶東始子三人爾康爾黼爾能皆幼繼妻
氏有遺腹今尙未產焉

左叔固評震川謂史記之妙在極真極樸極淡處文
之口角逼肖處似之

何生權厝誌

乾隆六十年乙卯閏二月初七日何生以暴疾卒於予塾年二十有一子旣爲文祭之復誌其行以寫予哀焉何生歛之富場人名秉棣字鄂華有兄弟五人伯兄出宰廣東父母挈家人遠就其養而獨留生居歛以奉祭祀年十九來遊吾門視其人秀外而中柔和愛敬於師知其事父母之孝也睦於朋知其接兄弟之友也事子二歲餘學日進一日偕諸生如郡城應書院藝文之課課畢遇微疾怯於行因偕畢生起孝策馬先反興發疾

紫石泉山房文集

卷上

四

馳十數里因慨然與畢生揚鞭馬上指畫天下大勢思欲東走扶木西盡流沙納日月於子懷眇滄海如一勺其意氣抑何壯哉嗚呼詰朝生死矣生旣死其從兄厝生於某山之原俟其父母歸葬之子悼生勤於事師而死之速不獲成其志也祭之明日大風東來震巖谷慨然想見生躍馬揚揚之狀欲往觀焉

烈女祖姑行略

烈女諱淑姬曾大父諱文瀚之仲女也邑之潭渡鄉有黃是者幼而才字之嫁有吉日矣而是方游學於楚而殤訃聞祖姑爲拒勺飲家人慰諭之曰而未歸而家而罹斯戚也今逝者猶淹滯他邦乃欲滅性於父母之側可乎於是強起食飲哀請於親願俟柩歸如禮往弔許之明年四月柩至自楚命之行至則服衰反幘哭不呼壻呼姑姑先逝也旣奠徧謁家人不素衰序跪拜俞龔各中其儀黃氏之耆長見而嘆曰吳氏女其知禮哉卻

紫石泉山房文集

卷上

五

其幘示未成婦也哭止呼姑未成婦難爲稱也禮成有聞侍者曰可反矣曰聞葬速宜送之送之葬卽反矣夜入內寢就盥沐饌盤殮自若也夜半侍者寢酣乃縊時康熙丁卯四月五日年才十有七黃氏因以其子與之合葬於潭渡之東隅事上

天子義之而寵旌其墓門郡縣諸長吏及搢紳士庶咸白衣冠赴弔旌旆遮途海內爲挽歌頌章者以千百數而其墓又適當歙西孔道往來觀者停車弛擔貴賤賢否合口嘆褒嗚呼可謂榮矣或曰女死黃氏招畫工畫

其像將入室恂乎其若有所覩也工懔然出曰已得之矣或又曰女死後月明之夜常與是攜手而行葢環佩猶鏘鏘也新安自昔節烈之盛比埒魯鄒然往往振奮捐生不愆於義而止而吾祖姑以貌弱之齡赴難雍容顛沛中禮儼然有賢人學士之遺風焉雖其性固殊而閨門日夕所薰沐者禮教之垂由來遠矣越四十餘年吾叔姑又以貞女之行紹其美焉

家協廷兄評鏗鏘古雅風格甚高

先考吳姓諱闓字崙上王考諱正通之仲子也前朝汪
司馬伯玉傳我八世祖諱橋之文述里人謂有吳世種
德不彰自橋以降世又七延隱德繩繩傳至先考先考
既冠思爲世用勤心六藝旁討百家閭外美中著文修
行嘗南遊吳越北走幽燕東渤海沂西踰絕塞每登眺
賢人偉士鈞游勝地輒形諸詠歌希立功名以光照先
德而其後游最久者豫章先考既六蹶鄉闈乃慨然棄
去然著文修行益勤一夕酒酣鼓琴一再行因笑曰嗇

於○天○者○人○豐○之○窮○於○數○者○學○通○之○缺○於○及○物○者○躬○踐○之○
孔○子○論○顯○揚○盡○於○立○身○如○必○樹○功○彰○名○始○光○祖○德○豈○章○
布○中○遂○無○魁○傑○賢○俊○其○人○也○哉○乃○未○幾○而○先○考○竟○以○癘○
殘○之○疾○老○矣○始○先○考○之○游○豫○章○奉○王○考○命○也○王○考○妣○沒○
痛○不○獲○親○視○飯○舍○故○自○號○曰○悔○堂○晚○歲○既○邁○廢○疾○手○足○
拘○縱○顧○歲○時○值○先○人○諱○日○或○展○陳○畫○像○必○目○勉○使○人○扶○
持○跪○拜○涕○泣○交○橫○偶○食○時○食○輒○念○先○人○或○投○匕○不○終○其○
食○先○考○之○逮○養○大○父○母○也○定○幼○不○及○知○觀○此○知○之○矣○伯○
父○素○家○居○先○考○以○貧○諸○生○教○育○其○一○門○男○女○豫○章○同○志○

嘉尚先考之義相與合白金四千兩貨之以資其匱乏
先考傾心委託於人遭其吞併終其身不與角校舊游
復合金如前以補之踰歲疾作嘆曰吾不可負友也扶
病遠涉江湖各如其人之金竝其息償之及歸家人有
菜○色○謂○定○曰○丈○夫○不○能○忍○天○下○不○可○忍○之○窮○不○能○建○天
下○不○克○建○之○業○吾○老○矣○兒○當○體○之○其○平○居○之○誨○定○也○常
曰堯以一言授舜曰中孔子以一言授子貢曰恕中者
義之盡也聖人之事也恕者仁之方也聖人之事亦學
者之事也恕以待人則盡倫恕以居位則自盡忠者恕
之本也不言誠而言忠對恕言也敬以主之義以裁之
聖賢之道豈外是乎嗚呼欲考先考之行者在此數言
矣先考沒於乾隆三十八年癸巳正月二十九日年六
十有四所著有古今文集及燕晉紀程詩集藏於家配
先妣程儒人先卒子一人定孫五人邦俊壽祖邦佐邦
儒邦任壽祖幼有神童之譽生八年而殤曾孫六人蔭
恩蔭勲蔭賢蔭爵蔭榮蔭蔭聰嗚呼先考之德可傳而先
考之恩不可復報矣痛哉

此篇及先妣行略貞女行略與海峰先生集中文足

相埒也然吾師自謂不逮遠甚

父業鮑士貞敬識

紫石泉山房文集

卷十

九



朕秋也然吾師自謂不逮遠甚

父業鮑士貞敬識

先妣行略

先妣姓程氏諱書英外祖御龍嘗舉於鄉以文行名母曹孺人早卒吾母鞠於其姑之家旣長來歸適大父退息家居貧甚母嘗語定曰始吾幼依富戚以居自爲汝家婦冬寒澣衣手頻皸裂或日已午猶竭歷謀堂上肥鮮而已未得食憊甚矣然侍舅姑見夫子接娣妯未嘗有愠容予之習苦役人知之予之脆弱不勝苦役雖汝父不盡知也今日乃以告吾兒言畢卽淚落大父晚歲游於豫章困少解乃築數椽之室於潁溪之上流家焉

紫石泉山房文集

卷十

十

徙家之初吾母侍大母宴女寘者累日定纔六歲輒攀母衣而索食焉母叱之大母召之前笑而與之顧謂女寘曰此吾家麒麟也以生而有兆故語之大父旣沒無遺貲吾父不得已繼爲豫章之游以所獲者饋養兄嫂聘師儒訓猶子孫而吾母常左右之無違逆每指從兄弟語父曰此皆舅姑子孫也吾不忍饑吾子而忍若饑乎不忍寒吾子而忍若寒乎一門之內有豪髮自私之心仁義以乖家難以作豈細故哉父聞之而起顧吾母笑曰若真吾婦矣居平持已莊肅而遇家衆柔和有身

被恩勤而數數陰以怨報至有不能堪者母卒以恩禮
洽之方母始歸產頰而不育定生母年三十有五矣其
憐恤視他人之母倍焉然不欲其陷於邪一日釋書偕
羣兒戲泣而杖之既退乃私問家人頃吾撻兒兒無恙
否定每念此尤悲吾母自吾父繼大父西游用稍贖已
而父復貧然供億一門之衆如前日母坐是益困蓋母
嫁吾父三十年卒以糟糠困悴終矣乾隆二十四年己
卯四月十八日卒歷年五十其後母服方闋而吾父卽
以是歲遭癘殘之疾於今十二年矣天平痛哉

海峰先生評不逮震川先妣事略然中亦有一二似
史遷處

貞女叔姑行略

姑諱滿好先大父諱正通之叔女也幼誦書史能詩歌年十六字邑之叢睦鄉汪氏將嫁矣而汪氏子歿亡當是時大父有男女各二人長男伯考諱聞日營菽水於市次卽先考諱聞又授徒他鄉長女伯姑年最長早適人夫父久貧家居獨與大母糲食相嚮甚俛默不自得也及汪氏子訃至姑方倚樓檻立聞訃遽欲墜樓殉之急挽之得不死大父諭之曰兒不忍忘未事之夫而忍忘鞠育十餘年之父母兒謂父母何且父母老矣姑惶

紫石山房文集

卷土

五

恐變色曰兒誤矣兒今誓終身養父母矣久之里人復來議婚姑聞之默然詰朝樓上有哭聲大母趨往視之見姑伏跪先人寢前以頭觸地甚哀曰兒不孝羞見父母也卽之髮截矣於是母子相抱而哭家人後至皆哭自是媒妁不敢通言而姑事父母逾謹大母病嘗割臂以救弗瘳明年大父相繼棄養復欲墜樓而死不得遂乃不飲酒不食肉不喜不笑以終其身年四十有七卒時乾隆二十四年六月初十日也初定幼善病危者數矣家貧無婢嫗值澣夜先妣與姑更迭劬兒以行往往

漏三四下不息定稍長學書旦入塾夜歸則從姑受讀
同寢處每中夜家人寢酣姑憫念大父母輒起坐徘徊
繼之以泣惟定常見之嗚呼吾家先世代以詩書仁義
施及於家婦孺僕人備奉彝訓祖姑幼穉旣以烈聞而
姑又以孝全貞始終不貳則夫爲男子者雖多含章匿
美遯世以終而其道德亦略可信矣嘉慶十一年定以
姑行上聞

旌表如例

海峰先生評震川墓史記妙處

紫石泉山房文集

卷上

十三

故行上聞

卷上

十三

夫世以孝而長其壽者亦多矣然其所以長壽者
故又以孝全貞故終不貳則夫爲男子者雖多含章
繼之以泣惟定常見之嗚呼吾家先世代以詩書仁義
施及於家婦孺僕人備奉彝訓祖姑幼穉旣以烈聞而
姑又以孝全貞始終不貳則夫爲男子者雖多含章匿
美遯世以終而其道德亦略可信矣嘉慶十一年定以
姑行上聞

節母從嫂黃氏略

從嫂歙西黃氏之女嫁予從兄光宸嫁十一年而喪其夫有子二人長曰聯元穉曰聯奎聯奎既冠而死家故貧聯元年二十七始娶汪氏婦未半歲汪氏無疾暴死久之娶方氏方氏歸踰年亦死更娶洪氏及期月洪氏產男產旬日而洪氏又死於是節母之痛極矣明年爲乾隆四十九年十月戊戌節母黃氏死當是時聯元方寄食他方而洪氏所遺之男纔二歲嫂既病召家人詣中庭泣曰吾當與若輩別矣雖然弱孫纔二歲因命嫗

者抱兒徧拜家人環視而告曰吾兒三娶婦今存者此而已妾生平辱諸娣憐恤我語未旣皆泣而對曰唯伯奴命乃復目其仲娣曰仲娣此殆若責矣定時亦在側詢嫂何言曰我嫠婦也子又貧喪具寧薄毋厚我死不出三日矣時嫂病未殆聞其言者咸異之平居日習勤苦績麻藝蔬以爲食或饋以酒肉輒不忍多嘗蓋終身不死其夫也於男子非懿親不見遇病未嘗令醫人診視病將殆醫至卒卻之定旣承嫂命治喪具喪具成明日果死年五十有九死之明月孫以痘殤明年正月子

余大家行略

大家吾父之側室也年十八來歸先母素多疾大家至
早夜扶持不少懈母喜執其手曰若即吾女也是時定
纔十歲聞母呻吟之聲悲甚然無能爲也輒惶急連呼
大家後六年母卒又二年吾父復邁末疾大家侍之益
謹且頻訓定曰若勤習詩書湯藥之役我可任也嗚呼
吾父以疾痛不寧之身得以久於人世者大家力也大
家嘗產一男不育撫定如己子撫定之子如己孫其卒
也以乾隆三十四年二月二十九日年三十有四方壯

紫石泉山房文集

卷十

七

也豈其積勞積毀有以致之歟大家沒吾父不數年亦
繼沒每念風雨之夕一燈惇惇蓋予與大家相對悲涕
進湯藥時也不產之良母以入世書大家代出大
海峰先生評收處似史記又不似史記妙也

大家對六平母卒又二年吾父復邁末疾大家侍之益

謹十歲聞母呻吟之聲悲甚然無能爲也輒惶急連呼

大家後六年母卒又二年吾父復邁末疾大家侍之益

謹且頻訓定曰若勤習詩書湯藥之役我可任也嗚呼

余大家行略

任氏子壙志

任君幼直有子殤語子曰子游宦京師歲久無子息家有弟生男三歲矣今年春父命以爲子子闕月吾母卒子奔歸父指是子語子曰而母將沒時呼此子來前僵目視之旋顧子嘆曰大兒遠宦京師數千里外死不得相見見此子而已父又曰常時兒聞讀書每喜閒以字訓兒翌日詢之弗忘也以是子每撫而樂之嗚呼此子存吾父母以慰此子繼吾母沒吾父之憂益甚矣請誌其壙可乎定乃書以慰其悲曰任氏子名炳章興化人

紫石泉山房文集

卷十

七

乾隆四十二年十月十三日以痘殤卽瘞於任氏之先墓側云予既書此以歸任君因觸我當年喪殤子之痛相對歔歔不能禁也

王瀆麓評結處風神特勝似震川

目跡之流則予與曰大只敢重京師嫌千里不

予奔歸父指是子語子曰而母將沒時呼此子來前僵

有策並民三歲矣今年春父命以爲子子闕月吾母卒

吾母將沒時呼此子來前僵

山五子集

亡兒壽祖壙誌

壽祖子次子也。生之年吾父壽享六十，因以壽祖名孫。於時父邁末病久矣，兒幼豐端潔白，言笑動履如偉丈夫。老人每顧之而喜。生八年，畢誦四子易詩書禮春秋。一時神童之名震里閭。而是年八月二十二日，兒殤。始我居憂，謝遺賓客，長男邦俊又受學他鄉。兒夜陪奉，母寢，晝則侍予喪側，不去。三年中，陰風細雨，與我寂寞相嚮者，兒一人而已。先是庶母沒，予侍父寢處，有妻羸而善病，既免喪，妻謂子曰：「八年以來，夜常不寐，病作無人。」

紫石山房文集

卷上

六

告語獨壽祖知我淒楚也。事兄祇謹待幼弟煦煦有恩體。外壯中羸殤之前夕，予病瘧寒兒已有疾，諱言顧猶奮力爲予搗藥。久之翼日子疾瘳而兒暴卒矣。以其幼也，渴葬兒於文山之陽，嗚呼吾祖若宗，積仁行善，十數世而未嘗大顯德業。於時予方冀祖考之幽光藉兒以發也。兒亡，思與兒兄弟共振其衰，其茂濟也已。乃涕泣而爲之誌。

海峰先生評語極沈著而韻仍古雅，淡於左史者知

之

紫石泉山房文集卷十二

祭文

祭海峰先生文

天。闢。屯。味。文。章。炳。宣。篤。生。儁。雄。處。之。巖。川。大。縱。厥。閑。并。
智。鉤。元。出。沒。今。古。吐。吞。萬。千。龍。飛。鳳。翔。走。雲。凌。煙。神。虎。
夜。嘯。音。聞。九。天。參。伍。韓。歐。創。爲。大。篇。直。空。作。者。七。百。餘。
年。至。於。詩。什。聊。以。寓。情。然。其。所。著。魁。然。集。成。祖。漢。宗。魏。
師。唐。友。明。傾。江。灌。河。氣。蓋。八。紘。行。旣。完。修。材。兼。閱。偉。負。
其。瓊。瑰。願。襄。鼎。鼐。歟。其。掖。之。去。天。蓋。咫。垂。老。一。官。終。於。
紫石泉山房文集 卷十二

卷十二

博士定少而愁旨於藝文公出萬有與泄幽陳縱身闢
室大啟重門斯文彫落曠代蕪榛養我風日共游芳春
定壯多阨道塞身屯敗禱惡粟閉戶吟呻公有弟子適
宦邗濱辱公嚮導獲與之親於焉闔室羣飲公醇感憶
平生卧不寧席懷笈孜孜靡閒朝夕風雲幻怪俄赴於
庭犯雪渡江望門涕零誰勝苦塊有孫穉齡大小宗亡
仁義隕地乘危虐孤敢爲不利族戚環庭心傷口諱憤
不恤私誓與偕斃發奸衆前眉髮俱厲豺虎翁聲悄然
中廢古皆有死疇能獨留天錫公壽八十二秋美其著

祭閔苑中文

子乖於時君獨曠我中道棄遺子誰與可君於門內晏
晏雍雍及其涉世有和無同君善爲書尤工籀隸吐爲
文章鑿浚抽秘天摧吉士垂老而窮百收一發奄然告
終昨其乘舟角藝白下顏悅詞溫志則雄者酒罍淋漓
肺肝傾瀉任我國楨願爲廣廈君之隕矣歲聿云除嗟
我來思雪兩庭隅書詩在御困廩其虛母嗟半菽兒少
完禱始我居憂三年謝客風雨春朝星霜秋夕枯樹颺
颺悲烏寂寂惟君顧我知我心惻紆難無方益懷疇昔

紫石泉山房文集

卷十一

四

尙饗

劉效斟評雅辭古韻

子乖於時君獨曠我中道棄遺子誰與可君於門內晏
晏雍雍及其涉世有和無同君善爲書尤工籀隸吐爲
文章鑿浚抽秘天摧吉士垂老而窮百收一發奄然告
終昨其乘舟角藝白下顏悅詞溫志則雄者酒罍淋漓
肺肝傾瀉任我國楨願爲廣廈君之隕矣歲聿云除嗟
我來思雪兩庭隅書詩在御困廩其虛母嗟半菽兒少
完禱始我居憂三年謝客風雨春朝星霜秋夕枯樹颺
颺悲烏寂寂惟君顧我知我心惻紆難無方益懷疇昔

祭閔苑中文

祭家蕙川文

我初省席設食留歡含哺語我爲子加餐疾猶可爲顧
之色喜孰知背面旬日而死子之文章具體吾師灌歐
沃蘇獻其華滋海內文儒凡億千輩子揮長戈當者骨
碎方其壯時睥睨公卿奚爲晚歲猶困諸生既虛祿位
還乏子息哭者盈庭羣爲子戚天有妖祥人有極福惟
獨與貴不居五六堯勳舜業流電浮雲文百斯男頑聖
難均子獨惜君未躋下壽立言未成識子心疚我之文
章子則知之吁嗟已矣疇慰子悲

紫石泉山房文集

卷上

六

祭何生文

古我紫陽角文之地生偶游斯竟拔其萃喜萌於心摯
朋再至撼山醜河文豪以肆詰朝躍馬反我書堂云有
微疾態尙洋洋天乎人乎一夕而亡父母弟昆隔數千
里送子長終無一親在豈無他親兄弟婚姻撫棺哭踊
獨我一人子沒吾館知子無怨我治子喪更復奚恨恨
子將死我昏不知言召醫來已不可爲視弟猶子願至
於斯自子來游於今三歲炤炤修修高志敏事敬恭師
長雍睦同儕人爭我讓眾孰子乖日且子興先衆省我
獨能久寄大賢有言旻壽不貳朝未偷生夕可以斃我
之哭子哀有殺時子長舍我無復還期哀哉尙饗

姚姬傳先生評刻至之語直到古人

祭外弟曹次王文

嗚呼昊天不惠以君之純明孝友而曾不子之以耄耄
之齡顧瞻堂上皤皤二老疊喪厥明顧瞻堂下煢煢弱
息幼穉伶仃苟君靈之不昧吾知其徊徨躑躅而靡寧
若君之與我中表姻親路非遐而非邇情如弟而如兄
君有倉箱之積我無升斗之贏敝袍百結風雨橫經重
以硜硜之性慕廉節而恥干人不謂君之殷然惠我者
獨先我而百術以濟其艱屯全我之德保我之生此所
以感深心膂於君之逝也尤不禁馮尸大慟而烏獸爲

紫石泉山房文集

卷七

八

之悲嗚哀哉尙饗

祭從兄暎遠文

嗚呼兄昆弟五人伯兄叔弟皆亡兩季弟尙少伯母年六十餘矣七八年來兄以一身荷之而家人無飢凍之色夏五月兄如秦應故人之聘既至遺書於家所遇多諧協家人額手稱慶乃者歲除前夕伯母有疾新瘳方欣然待定輩修除夕元辰之禮以洽家人歡而兄千里計音至矣其聞諸伯母邪其不合伯母驟聞邪進退惘惘莫知所爲計自今伯母之寢食不得寧而凡爲伯母之子若婦若孫者皆旦暮相嚮嗟傷失所蔭矣當是時

紫石泉山房文集

卷五

九

也弟謂兄何兄謂弟何哀哉尙饗

王濱麓評筆力如屈鐵聲響若哀鴻

祭從兄子聯元文

嗚呼汝節母之孤子也始汝婦之以無疾暴亡於時媵氏哭之哀汝愴然懼傷母心不哭其妻而撫其母子悚然異之私愧予之所以事親者未必汝逮也用是遇汝加敬焉望汝加厚焉謂汝異日必能強立興吾家發祥於世世以彰母德也而今已矣初汝兄弟二人皆幼而孤汝既壯前後十餘年哭弟者一哭妻者三惟最後之妻幸遺一男以爲聊藉此娛母氏也嗚呼孰意妻死方踰年而母隨之逝矣母死方踰月而呱呱者復以痘殤矣予自少至今所見族黨中鮮有事上逮下如汝之情至行篤者也其死亡排比連續亦未有如汝三世之尤甚者也蓋哭子之明月而汝亦浩然長棄人間矣吾思作善降祥者理也作善降殃者數也以貞節之後斬艾若此豈非數哉獨恨予營救汝之三世者未必能視汝猶子而豪髮之力皆盡也故予於汝今日之變尤痛焉哀哉尙饗

舉孝廉方正告家廟文

有闕者堂先靈此集歲歷三千世踰九十至德啟後繼
繼繩繩寢傳以遠遂及高曾吾祖吾考吾所逮事導我
以仁匡我以義藐予小子方總角初童心高放奴視羣
儒道喪千載繼者其吾雄圖方展奄忽桑榆躬無寸善
中夜長吁

今上初基改元嘉慶

詔舉遺賢孝廉方正大吏小臣僉以定應六品官階濫
叨

紫石泉山房文集

卷十二

上

寵命定拜稽首愧發中腸而我宗老謂祖有光宣昭
天寵踴躍相將輸金製字高揭祠梁小子曰嘻定實不
則沿瀾討源列祖之德列祖之德父母之靈佑我後嗣
幸竊斯榮二老長徂兒亦老瘦幼志未成何去何就
帝寵煌煌怛焉內疚敢告先靈敬陳觴豆

紫石泉山房詩鈔目錄

歙 吳定 殿麟

卷一

五言古詩九十六首

卷二

五言律詩五十首

卷三

五言絕句四十三首

紫石泉山房詩鈔

卷一 目錄

五言古詩九十六首

五言律詩五十首

五言絕句四十三首

卷一

紫石泉山房詩鈔

紫石泉山房詩鈔卷一

五言古詩 以下初集

讀太極圖說

姬孔逝云遙先生復崛起子立千載餘默契陰陽理爲
圖繼以書闡宣周易旨斯文亦糟醜爲憶濂溪水

寫憂二首

捐軀敢輕擲偷生慘不歡生死兩迷惑堂上病悽酸纏
絲復纏絲冉冉歲將闌一身不自靈猶念兒衣單素絲
結易解我罪奚由寬誓將厲六翮鳴號叩天關明月照

紫石泉山房詩鈔

卷一

一

前庭蕭蕭有餘寒皇天竟幽默喟然摧心肝

其二

少小慕墳典覽古窮杳冥透迤侍藥鑪寒暑日以更中
宵不能寐仰觀熠燿征悠悠盛年逝將與草木并酒酣
啟靈鑰壯思浩難肩儲土望成岡儲石望成城皓月流
素輝大火揚朱英我生欲何爲哽咽雙淚零

幽居

幽蹤託溪巷楊柳蔭我廬沈冥遺世網笑讀古人書六
藝滴萬有觀摩樂有餘非不念江海吾道有卷舒含情

撫遙夜巡檐觀太虛

登烏聊山作

天道如浮雲，人心若游絲。浮雲千萬變，游絲難自持。暮登城南山，蒼茫發遐思。落落皇初人，夢寐嘗見之。冠佩盛儀容，步矩而蹈規。青松有時彫，白玉生瑕疵。所遇皆如此，中腸愴以摧。衆星迭遷代，北辰誓不移。區區匹夫諒，九死以爲期。

古詩

人珍桃李容，天惜蒲柳質。窮猿競奔林，神駒空鬱屈。雄紫石泉山房詩鈔 卷一 二
風無歸心，大河長蕩。漪衰榮紛去，來其穢若。毛髮長，裾掃九垓。所懷在利物，空山試鉛刀。耀地雄鉞發，大陸回青陽。千門散陰鬱，驅車出東郊。猛氣輕蒼鶻，百念未一伸。驚沙掩白日，白日去遙遙。悠悠暮復朝，歸與古人遊。忍待春芳凋。

揚州聞金司勳瞻原先生訃哭之

棲棲擇木禽，暫向江干住。悲風故里來，駭愕聞公訃。公望重鄉國，大耋亡猶遽。小子昔居廬，三年謝親故。虛室多風雨，單衣怯霜露。惟有數歲兒，謂亡兒壽祖淒然侍朝暮。

悲○深○較○食○時○感○公○常○我○顧○執○手○屢○嗟○咨○哀○戚○毋○逾○度○街
茲○入○心○腑○南○望○淚○如○注○赫○赫○權○貴○門○闔○無○常○數○成○敗
定○庸○賢○直○諛○分○喜○怒○蹇○拙○孰○如○予○而○公○又○長○去○公○情○若
流○水○我○行○似○花○絮○密○矢○固○窮○節○壽○無○南○山○固

遊南山

我○非○皇○古○人○常○懷○皇○古○心○窮○居○寡○聞○見○登○彼○南○山○岑○山
中○何○所○有○松○柏○鬱○成○林○枝○葉○揚○青○蕤○修○幹○直○千○尋○思○爲
棟○與○梁○霜○雪○自○此○淡

登河上樓

紫石泉山房詩鈔

卷一

三

登○高○望○大○河○慷○慨○淚○不○止○人○心○豈○有○涯○奈○此○滔滔○水○枯
楊○有○時○華○偃○草○有○時○起○昂○昂○偉○丈○夫○抑○抑○蹉○跎○死

贈建周

有○客○攜○素○琴○來○自○城○南○山○高○歌○吐○虹○霓○已○復○涕○如○瀾○云
昔○懷○遠○志○毛○髮○今○已○班○窮○途○迷○去○住○當○食○不○能○餐○聞○言
慨○且○慷○聽○我○歌○一○言○霜○威○隕○菌○桂○時○雨○潤○襟○營○閒○夜○觀
大○化○至○仁○出○其○閒○人○心○氣○所○結○變○化○千○萬○端○古○來○豪○傑
士○什○九○成○屯○艱○勿○謂○歲○云○暮○雄○飛○有○鸚○翰

雜詩

舞雩有清風草際聊容與至人逝已遙嗟哉誰與語海
色萬里來靈源渺何許浮雲日以陰俯仰成今古

同金省非方鴻雪鮑栗甫及門人鮑士貞夜飲

春風扇嘉卉崇蘭吐青蕤翩翩二三子列坐陳樽壘明
月照朱軒華鐙影參差弦歌蕩層雲凌厲有餘姿中曲
入微妙熟視各心悲萬古只一瞬賢愚迭興衰遺臭與
流芳彼此皆不知鷓鴣有至性衆鳥固難爲

哭從兄子聯元

從兄近垣早卒孀黃氏執節三十年乾隆四十

紫石泉山房詩鈔

卷一

四

九年十月病卒其子聯元自姑蘇扶病奔歸逾
月聯元之子以痘殤又踰月聯元亦卒節母之

祀遂絕書以誌痛

望門悲無母八門悲無兒骨肉皆逝矣此身旋繼之汝
母持苦節汝孝過吾儕三世一朝盡天道洵難窺苦憶
汝在牀疾痛惟我依淒風起素幙且我涕交頤不惜兒
身隕但憂母節埋鷄鳴汝將逝傍徨牽我衣顧我將有
陳已復默無辭何由償汝願黃泉相見時

秋郊

遙空涼氣至綏綏霜滿林秋容真蕭索山水自高深對此若有會彌激孤往心迢迢白雲表自和鸞皇音

晤江貢三先生

星○辰○多○出○沒○煙○雲○易○合○離○自○非○形○與○影○焉○得○常○相○隨○憶○昔○我○先○人○結○友○踰○陳○雷○晚○年○臥○牀○席○每○至○終○歲○違○誰○歎○執○高○誼○末○路○猶○依○依○謂君及家蘭稽先生贈君明月環終古無盈虧

偶吟

良辰暢奇遊蒼茫恣遐覽大澤收煙霞素心與之澹嶢巖有夷塗平陸生坑坎清波徹萬微紛吾將手攀

懷邑侯張蓀圃先生

北野俗漸頽人言更不良我公自西來下里生輝光小子久沈蝕乃辱公激揚遂令焦尾桐一旦被宮商自從公遠適奄忽十星霜冀我祥鸞騫而乃元豹藏時至與雲雷道窮困津梁得喪非無因君子安其常輾轉懷明訓中夜攀蘭芳思欲往從之河汾萬里長我有一端綺爲公製爲裳長短猶可度肥瘦不獲量餐飯今如何遠

望涕浪浪

日暮作

落日歸大海，寂寞羣山孤。
飄風蕩華月，迴光紛有無。
闔關千萬變，吾道有真樞。
無爲學流水，漂蕩無根株。

齋居讀書

高舉遺萬物，時有雞膠膠。
風雨吐華英，弱柳舒青條。
靜中聊展卷，欣與古人交。
弦歌叶鐘呂，清響發層霄。
斯道如甘薺，人生非苦匏。
蓄意竟誰喻，出戶諮漁樵。

寓興

日出扶桑東，雨興若木西。
大造誠茫茫，焉知誰是非人。

紫石泉山房詩鈔

卷一

六

生寄區宇，托足多嶮巖。
願言爛履，蹈毋或迷途。
歧嗜慾使行妨，達者寧昧之。
萍是無根草，藕含不斷絲。

別鮑生士貞

雲霞非不麗，不如雨露仁。
蕙蘭亦有香，不如薑桂辛。
我昔館西堂，子意一何親。
杜門屏嬉遊，簡編晝夜陳。
斯文方凋落，相期闢蕪榛。
睽離長此基，俛嚙傷心魂。

京口江中作

臨江覽滄海，日暮孤颿颿。
張雄風扇雲氣華，月生波光丈。
夫寄一世，此身殊巍昂。
中流撫長劍，志氣誰能當。
當其

未遇時巨壑蛟龍藏微言析秋豪大聲振琳琅一朝御
長風軒軒鸞鳳翔慈澤潤千林英聲威八荒所志兩未
就鬢髮忽已蒼好花不再榮惻愴使心傷

登北固山

疊浪撼不動高鎮江之中作勢凌金焦孤撐一何雄海
潮裂地來江氣青濛濛白日鬪雷霆萬莽號天風弄霧
屯象谷崩雲下龍宮江光全破碎山意彌從容聞昔梁
武帝駐蹕留遺蹤北固易今古藩衛如垣墉佞佛三捨
身餓死何憎憎落月照衰草俯仰臺城空獨茲一坏土
紫石泉山房詩鈔 卷一 七

壁立無終窮風濤正相逐寂寂僧鳴鐘

古詩

飛雲下碣石瀚海流湯湯驅車出門去百卉亦已霜十
步九回眸行住爲徬徨旁有太古樹含情待熙陽攀條
一撫美衣袂生馨香解帶出吳鉤三嘆露中腸崇巒回
白日順風揚其光揮袂層林表翛然捐衆芳

古詩十首

以下
二集

我峩城南山其下路透迤春風方浩蕩桃花忽已萎人
生氣所化盛衰日推移寢興不自覺時至方知之登高

覽○中○原○雲○霞○絢○華○姿○祥○飈○蕩○樓○臺○羅○纓○縱○橫○飛○身○世○非○
膠○漆○且○暮○不○可○知○王○侯○與○編○氓○奄○忽○皆○等○夷○及○今○崇○令○
德○沒○世○揚○光○輝○

其二

娟○娟○樓○上○女○灼○灼○池○中○藻○清○風○從○何○來○芬○芳○相○有○餘○
冠○者○誰○子○下○馬○立○中○衢○對○之○喜○還○歎○咄○咄○撚○髭○鬚○私○憐○
咫○尺○閒○無○由○通○素○書○苟○合○非○所○宜○欲○進○還○趨○美○人○默○
無○聲○上○馬○獨○躊○躇○

其三

紫○石○泉○山○房○詩○鈔○卷○一○
高○樓○廣○百○尺○思○婦○居○中○央○漠○漠○不○聞○語○歌○聲○連○華○堂○
指○逐○高○微○隨○風○自○低○昂○曲○半○忽○嗚○咽○節○促○不○能○長○雲○中○
有○靈○鳥○人○稱○爲○鸞○皇○十○年○無○儔○侶○羽○翮○將○摧○傷○終○焉○守○
故○巢○日○夕○遙○相○望○此○情○奚○由○已○因○風○發○中○腸○

其四

賤○者○忽○以○貴○富○者○有○時○貧○登○高○何○所○見○江○上○水○沄○沄○長○
安○佳○麗○地○豪○貴○馳○雕○輪○頭○上○玳○瑁○簪○
一○朝○失○鶉○衣○不○復○溫○黃○鵠○東○南○來○中○道○遇○浮○雲○表○回○草○
澤○閒○偃○臥○輒○經○旬○美○人○方○娛○樂○何○由○達○殷○勤○

其五

原野直復斜。山川相倚伏。翱翔未終朝。楊柳黃以綠。蓬萊有仙人。金銀爲樓屋。招我從之遊。授以長生錄。盛衰互遷代。天地有不足。吾生會有歸。明德爲禔福。

其六

改弦不成音。冶容非絕姿。多謝世閒人。吾其從此辭。願將青青柏。贈汝長相思。有客爲予言。君言毋乃乖。芬芳盈路隅。自古誰致之。願君執高節。惠我以無私。念此不能寐。雞鳴來海沂。

紫石泉山房詩鈔

卷一

其七

結髮行事君。垂老傷乖離。攜手立長衢。依依復纍纍。倉卒難爲言。羲陽忽已移。出門非故鄉。微軀安可知。親戚隔層雲。飢渴當告誰。保君千金軀。歡會未有期。願將霜下蘭。長托瓊樹枝。

其八

疏星不成列。中夜起傍徨。俯仰無所爲。但見沙禽翔。我行踰千里。歲月未可量。水中無萍實。何以充飢腸。登高望舊林。六翮不得長。思爲金與石。歡愛長不忘。

其九

翩翩梁上燕。秋風旋北歸。栖栖遠游子。來去不自知。盛
年難久留。芳草亦已萎。有親親相憐。無親私自悲。浮雲
忽飄颻。爲我東南飛。

其十

世路多艱險。出門始懷憂。層雲蔽大陸。黃河滔滔流。中
有沈溺人。哀鳴如有求。浮生易位置。對此增綢繆。太息
舍之去。訪我舊林邱。潛身以立命。天地良悠悠。

游子吟

紫石泉山房詩鈔

卷一

十

僕夫促相視。東隅日已明。對面成遠客。如何不淚零。淚
零亦何益。疇昔膠漆情。滔滔水西逝。嚙嚙雁南征。予瞻
路傍草。君聽車馬聲。回首忽相失。何以慰平生。贈我鴛
鴦錦。副以同心繩。殷勤被肢體。盡愁不合并。

其二

大江無回波。峻嶺無夷塗。褰裳四顧望。顏色人人殊。行
行未百里。中道思故廬。欲歸恨無因。欲去復躊躇。俛仰
難久留。淚下濡衣裾。

其三

黃鶴遊四海，麒麟超塵奔。誰知芻牧地，半是王侯墳。碑碣既磨滅，姓名寧復存。昂昂偉男兒，懷抱冠千人。不愁行路難，但思立功勳。南征討百粵，北征拓雁門。驅車方自此已矣，復何言。

其四

直諫分愛惡，黃金成至親。薄俗皆如此，何況異鄉人。我生宜窮巷，胡爲戀風塵。飄颺無所依，譬彼空中雲。詭譎羞爲顏，矯矯益無羣。撫劍登高防，大地多枯鱗。仰視白日速，雄颺激飛輪。善俗不混淆，中心日生春。

紫石泉山房詩鈔

卷一

七

其五

入門無與語，出門望所思。浮雲蔽萬里，惻爾令心悲。爲樂須少年，親戚懼相依。壯大各多故，常嗟會面稀。遺君一樽酒，中心屢表回。時窮蹶賢智，故鄉恐難歸。寄語堂上人，努力愛容儀。

古意一首

春風入東園，之千里馨香終不違。空牀藉蘭芷，疇昔雙明珠。殷勤託雙鯉，中有相思淚。君應識察此。

奉別從舅氏儀部程端立先生

攜手出城隅。天桃吐芬絢。強笑慰長征。恐令車馬戀悠悠。
旆遙佇立淚如霰。

古意一首

妾有舊時衣。出自鴛鴦綺。與君同一心。衣裳亦復爾。自
從君遠征。音書竟長已。斂衣藏金箱。不忍被肢體。相違
驟兩意。何由共生死。

古意一首

邯鄲有佳人。濯濯芙蓉姿。窈窕登高樓。開軒望所思。所
思隔江水。三年與我期。楊柳旣以黃。嘉會安可知。君情
紫石泉山房詩鈔 卷一 五
如邱山妾命良。自悲巍巍京洛客。遭時易磷。緇願君作
磐石毋爲中。顧私仰見雙飛鴻。三嘆朱顏衰。

詠懷二首

黃河走中原。青山長不老。人生天地閒。相失何草草。高
步隘八區。乘風詣穹昊。昇我純白姿。沒齒願常保。

其二

二親旣長違。亦復鮮兄弟。炯炯地下眸。盼此蒼顏子。俛
仰念劬勞。慷慨淚如洗。託身失其方。能無愧毛裘。大道
雖齋淪。待我河之涘。密網結中腸。妙獲非魴鯉。斷岸風

蕭蕭白楊飄綠水。豈復戀君華感。茲日月駛常恐忝所
生中宵四三起。

別曹次玉

離離原上樹。中有連理枝。之子遠辭家。免絲自纍纍。豈
不念同好。日月相蔽虧。大麓多悲風。誰與紉裳衣。握手
再三歎。願子車輪遲。浮雲一相失。悲歡各不知。男兒懷
遠志。毋憂羽翼摧。纏綿希好音。念我當門時。

感興一首

翩翩燕西逝。肅肅雁南飛。人生羅網中。一步一裘回。達

紫石泉山房詩鈔

卷一

者觀其變。高蹈山巖隈。衆方馳通津。獨與窮賤期。殷勤
踐階草。芳馥欲何爲。

金陵舟中作寄示子邦俊

白日有時沈。大江長浩浩。出門知路難。獨臥知霜早。憶
昨別家鄉。歲月未云老。秋風一以飄。齒髮隨枯槁。古道
值時窮。骨肉焉能保。死生各有期。明德以相考。

懷左叔固

褰裳采江蘼。亦不遺芳芷。采采不成懽。故人能知此。馨
香易零落。相思奚由理。我有雙瓊瑤。三年不肯市。文采

爲君宣與君相終始

奉寄鄭明府力張先生

疇昔君遠征送君河梁返淚痕猶在袂歲月忽已遠相思采靡蕪妍媸未能選道遠難寄將鴻雁自悽惋

題王濱麓望雲圖

鷓鴣南北飛長江限中央江水湯湯流其上雲蒼黃黃雲蔽重林遠望心爲傷心傷還遠望父母居何方思親累長夜精魂游親旁問我來何遲念我裳有霜歡合不須與高樓回曙光出門望江雲入門獨徬徨

紫石泉山房詩鈔

卷一

古

寓懷

黃山何崔巍弱足難騁步振衣遇天風吹我至中路登山貴及巔高岡未可住東園瓠與匏甘苦各自喻

晤汪左儀

相去未云遙終歲違言笑形影費贈酬肝膽兩相照逢君大道間清詞吐華妙殷勤問所之遨遊幾同調新緣常喜溫故素常苦寒興言懷古人悠悠起長歎

秋懷

秋氣日以厲仰視天蒼蒼河漢無回波明月揚其光東

鄰○有○佳○士○進○遐○禮○自○防○昨○日○嗟○無○食○今○日○行○俚○俚○秋○風○
中○夜○起○援○琴○寫○清○商○三○彈○徹○幽○素○庭○樹○俱○芬○芳○日○月○有○
時○蝕○壽○無○千○歲○長○勞○勞○求○富○貴○快○意○多○憂○傷○停○苙○且○莫○
竟○四○座○心○悽○愴○蠅○蚋○皆○有○營○溷○濁○疇○能○當○長○安○車○馬○容○
揚○鞭○大○道○傍○相○逢○不○相○識○一○見○斷○柔○腸○

懷方良弼

春○陽○被○萬○物○楊○柳○皆○依○依○秋○風○一○以○厲○蘭○桂○亦○相○思○沈○
憂○念○故○人○疇○昔○手○同○攜○綢○繆○骨○肉○言○宛○轉○百○年○期○乖○分○
雖○已○久○初○懷○終○不○虧○琅○玕○不○結○實○念○子○竟○長○飢○

紫石泉山房詩鈔

卷一

五

寄示鮑生桂星

飛○鳥○千○萬○族○羽○翼○皆○頡○頡○人○生○賢○與○愚○羅○列○不○成○行○愚○
者○人○所○棄○胡○不○自○激○昂○飢○寒○使○之○然○言○之○多○慨○慷○之○子○
具○令○質○文○采○如○琳○琅○時○窮○遭○坎○壟○念○子○長○糟○糠○努○力○事○
詩○書○賤○貧○寧○足○傷○洪○河○會○有○涯○磐○石○回○巖○霜○明○發○寄○征○
人○三○挹○芙○蓉○芳○

言志

造○物○不○可○知○昨○涼○今○煖○煖○好○惡○人○人○殊○繩○尺○任○長○短○有○
時○先○後○違○如○彼○車○輪○轉○一○爲○毀○譽○搖○本○根○日○以○損○江○淮○

萬古流誰人測淺

雨中讀書

膏雨隨春來梅花吐其秀宴坐無與羣圖書陳左右清
響何瀟瀟助我芳潤漱六經亦粃糠遵路貴由舊古人
不可希已矣心自疚

懷方睠原漢上

灼灼園中花枝葉相蔽虧與子不同根安能無別離疇
昔明月環自顧無瑕疵矢心以相保何妨各天涯江漢
東南流合并知何時短書不盈尺奚由將我思

紫石泉山房詩鈔

卷一

去

懷劉效鵬

涼風自東來西北雨初歇明月照河梁蟾兔爲誰缺故
人遺我書相思不能發亦知非金石沈憂徒自伐與君
貧賤交焉能不飢渴

出門

靄靄山上雲青青山下草相違未三日華滋已枯槁苦
樂皆有涯善惡分醜好羣寐不一寤珠玉以爲寶

接東阿明府鄭丈書

雙鯉從何來乃在江水側相思千萬縷書札纔盈尺裘

回讀素書十日不能釋思君疇昔歡三嘆髮爲白

所思

騏驥難爲羣志士寡所親出門望儔侶哀響激層雲住
人與我期中道忽逡巡裴回隴坂間令我久殷勤我有
千萬言三載鬱未伸相逢日已暮倉卒將焉陳

與曹次玉夜話

華鐙何燦燦修夜方漫漫親戚久寥闕忽復同爲懽舉
盃迭相勸明月照君顏惠我同心言隨風化爲蘭餘芬
入懷抱合之至歲寒

紫石泉山房詩鈔

卷一

七

客中作

門前卽天涯出門始知遠登高望舊鄉白雲不可挽願
得一心人朝夕同餐飯長松附女蘿絲柔不堪選自知
心中事誰見肝腸斷

其二

明月照流水光采隨風揚層瀾三百里可望不可航獨
鶴西南來願汝爲津梁哀鳴日已暮令我心爲傷憶昨
別家門楊柳如我長今逢鄉里人楊柳已逾牆太息物
如此俛首涕浪浪

寄家書後作此

他鄉日以親故鄉日以遠久客令人憐甘苦車輪轉回
車豈不歡嗟予羽翼短秋風故鄉來相思忽以滿嘉會
願景長乖分歎時晚生死向不知何況涼與煖夢寐乘
車歸妻孥競流眄向我擘巾帶歡極轉悽惋歸雲戀故
山游子不圖返忠信苟不虧離居彌燕婉

寄朱立堂

朝日照東隅黃鳥鳴北林藤蕪已盈手春風思不任願
結二三子同爲芳草吟含香吸其華相與清素心佳人
紫石泉山房詩鈔卷一
隔江河誰貽合歡衾非無舟與楫所畏蛟鼉侵得意極
歡譙失路重沾襟持此芬芳意裴回獨至今

懷閔宛中

富貴慕新人貧窮戀舊知如何我與子終日各分飛
慷慨一長歎出門路多歧此身一失所駿馬無由追咫尺
雖秦越托足無相違明月經中天照見君容輝人心有
圓缺吾道無盈虧

寄三從弟宇

南山有異卉十年始芬芳秋風雜以雨馨香盈路傍今

子滯江西有如璞玉藏自顧非不材輾軻未爲妨所嗟
天一涯兄弟如參商駢牛乏人鞭耕耨無乃荒浮雲萬
里來白日不得長行樂須臾時沒世空悲傷篋有大小
珠佐以雙明璫歲久蒙清塵中夜生輝光

劉效斟來歛招游半月相與感念海峯先生不置

於其歸也悵然有作

歡極不忍忘痛極不忍思重逢慘相顧俱非攜手時白
骨雖已寒恩愛終不移何以慰孤魂涕泣揚餘暉分手
各努力棄置以爲期

紫石泉山房詩鈔

卷一

九

經亡友江立濤故居

恍惚聞憶歎輾轉隔容輝回頭若有失又似夢見之憶
君疇昔歡佇立傷心脾

別王濱麓

別離有何苦無如歡愛淡昔爲同根木今爲失侶禽當
筵不忍御輟食各傷心將行還並坐執手厲哀音離隔
令君老山鬼俱悲吟願君君勿悲回首淚沾襟

其二

燕婉盡今夕我酌君莫辭浮雲起他鄉誰知君渴飢逸

翻縱善翔顏色總相睽
哀猿繞車鳴膠漆安可離
願得纏繚意長如歡會時
欲言不盡言嗟爾中心知

古詩

躍馬直上堂明燭何煌煌
新人宴庭中故人棄道傍
古木知天風秋鴻知天霜
微軀願託汝策足登高岡

揚州逢宮秀機相聚月餘而別詩以送之

愛漢易生怨交疏獲自全
云胡我與子一見便纏繚
隋堤楊柳樹遮蔽江南路
悲風起離筵之子忽東去
大地自紆曲天高未知步
我有山海珍非煙復非雲
三熏出

紫石泉山房詩鈔

卷一

三

相贈無忘邂逅親

懷宮秀機

童童孤生松類茲異鄉客
感君殷勤意天寒發芳澤
殷勤曾幾時去住忽睽隔
肝膽無方隅山川有欵側
河水濡吾裳太行摧其輶
勉爲潛蚪庶幾保顏色

懷王濱麓

鸞鳳無定棲朝秦暮忽越
含淚寫君書兩歲不得發
浮雲有時還河漢無津達
以刀置腹中相思未可割
出門一長望秋氣何蕭殺
窮達委時命死生任契闊
獨懼歲

華晚蒿萊同泯沒

留別馬生瀛洲河洲兄弟

相逢如骨肉亦復似雲煙滔滔西河水那得復東旋兩
生泣陳辭先生幸我憐相從未一歲胡爲遽棄捐聞言
重悽惻有懷艱自宜男兒重大義未敢被情牽遠望連
理枝僕御不能前分手強相別淚下如流泉

其二

少小諳禮度事師綽有儀晨昏爲講畫顧之心常怡飄
風起終食令我思高飛豈不戀儔侶懼爲黃鵠嗤丁寗

紫石泉山房詩鈔

卷一

三

復○丁○寗○兄○弟○勤○書○詩○上○堂○奉○酒○醴○下○堂○吹○壎○篪○臨○別○更○
綢○繆○攜○手○折○瓊○枝○緩○步○出○西○堂○佇○立○延○朝○暉○征○夫○畏○日○
短○棄○此○忽○如○遺○人○生○重○道○義○離○合○安○能○歧○顏○色○有○時○失○
中○心○無○乖○離○匣○中○雙○飛○龍○遺○汝○長○相○思○乘○雲○各○努○力○毋○
憂○吾○道○非○

自揚州還家有作

朝辭廣陵城暮溯新安水豈不念飢渴去留義應爾登
車遵故塗前山忽傾圯河水西復東陌阡亦以改天運
有興衰斯道終可恃藜藿吾何憂所嗟累妻子

其二

門前水猶清翔禽忽斂翼青松未改柯蓬蒿已盈尺
人喜我還慰語雜悽惻顏色猶自如髭髯較前白老妻
笑謂予賀君節未失東鄰有樓臺西鄰有磐石樓臺變
邱墟磐石無傾側鬚眉毀廉隅強半爲巾幗君能茹糟
糠妾願勤蠶織聞言腸以舒感卿成我德刑家豈敢言
卽此聊相得

感述

天○空○無○停○雲○山○峻○無○停○瀑○磨○礪○道○義○場○去○惡○苦○不○速○煌

紫石泉山房詩鈔

卷一

三

煌六藝言巨細皆在腹須臾忘戰兢舉步便失足驚風
落高梧引頽瞻往躅悔過未爲難所難不遠復

雜詩

河○干○有○嘉○樹○移○植○山○之○陽○高○居○無○比○鄰○春○風○揚○其○芳○壤
沃○不○待○培○三○日○已○馨○香○韶○華○難○久○恃○努○力○當○秋○霜

咏懷

衆○曜○布○六○虛○百○川○流○浩○浩○浮○生○會○有○窮○哀○哉○未○聞○道○草
木○不○兩○榮○誰○知○我○懷○抱

懷方丈漱愚

美玉出崑山。至人以爲寶。思欲佩其英。悵然懷舊好。日暮苦無舟。當食不能飽。微辭陳久要。歲寒願相保。

示子邦俊邦佐邦儒邦任

靡靡階下草。青青原上竹。人生無百年。奮迅在初服。弟兄三四人。連蠶環誦讀。豈無膠漆交。未若骨肉與。榮悴寧足爭。此身貴遠俗。願薦鳴鳩情。道義相勉勗。由來席上珍。乃在溪山麓。千里起跬步。所畏在裹足。堅白世已渝。球琳美自淑。欽哉日孳孳。江波逝何速。

示諸生作

紫石泉山房詩鈔

卷一

三

劍良不自斷。車良不自行。矧茲太古璞。誰知瑤與瓊。美哉二子翩翩州。里英眷言導先路。晨昏其邁征。

其二

獨樹不成林。茲意常在腹。昔爲孤翼鸞。今爲羣飛鵠。雖非同巢生意氣。遙相屬末俗。薄天倫交情。滋反復。比屋鏗燐燐。詩書應共勗。蕙蘭雜杜蘅。相期發芳馥。

其三

子少詣賢關。升堂思立待。東望不見西。始知若觀海。小子羣識之。尋流幸毋怠。勿謂歲時寬。昨日今焉在。鳳鳥

隱丹山長夜培文采餘輝被衆雛山容爲之改利名羣
蟻蠟茲事關千載少壯各幾何貴免頽齡悔

閉居

南山未爲固秋河有時虧衰榮鮮百年天道固如斯老
婦潔中饋弱子勤書詩從游七八人出入嫻少儀庭戶
雖蕭條中外羣怡怡日暮抱瑤瑟登高寫幽思驚風有
靈羽嚴霜無枯萋浮生信多故獨立三裴回

接方丈嫩愚書答之

故人貽我書知我心如結不言長相思但言久離別離

紫石泉山房詩鈔

卷一

十四

別日以長相思日以緩久客令人疏何人勸殮飯

嘉慶元年

詔舉孝廉方正大司農曹公欲奏

聞備用作此奉辭兼誌感謝

索居臥窮巷希登君子堂貴賤道宜然非敢慕疏狂忽
蒙采薄行將以陳巖廊小人夫何知聞言增恐惶西園
有奇樹根盤千尺長十年花未開枝條夜馨香謬承春
風恩白日思揚芳春風豈不好舍情耐秋霜

丙寅八月十九日五兒邦任往河南鮑生學幕旣

行數日懷念不已作此寄之

涼風滿天地兒今長別離諸兒豈不愛奈子日相依侍
我十餘年晨夕論書詩倏然棄我去令我更依誰男兒
志四方焉能戀庭闈其如我年邁一日不可知念此心
如割夢裏淚猶揮

長跪向予言願父儲甘旨粗糲少年宜而今父老矣朝

暮愛精神出入防動履子久病不一言三四言諄諄不

離齒身雖向天涯心猶在門裏長衢露未晞僕婦整行

李牽衣復牽衣不如中道止哀哀骨肉情何忍離隔此

出門送子去入門彌淒涼裴回十昏且靡日不牽腸儀

紫石泉山房詩鈔

卷一

五

容懸畫檐警欵留虛堂巡楹一長望恍惚在我旁求之
不可見俯首涕浪浪

離合本無常人生貴自淑飛鳥有時還善根斷難續長
道幸加餐毋瞻白雲哭百年亦長離焉能如豕鹿兒其
崇令名吾死亦瞑目

紫石泉山房詩鈔卷二

五言律詩

辛卯七月十八日之金陵

以下初集

忍向吳閭去前山路萬盤年荒爲客苦親老別家難落
日思烏哺秋風怯雁翰出門還佇立拭淚各相看

哭二兒壽祖

八歲直英異殊姿冠一門未知兒欲逝翻悔父無恩
轉思前事淒涼憶往言最憐垂死日對我問寒暄

偶見白髯有感

紫石泉山房詩鈔

卷二

一

我年三十四奄忽竟何成一夕青霜變無端白髯上生
文章終小技公相亦微名歲月從今惜倉茫萬感橫

戊戌八月聞黃河決

天○決○黃○河○水○洪○濤○半○豫○州○惟○餘○一○片○月○無○復○萬○家○秋○共
有○斯○民○責○誰○分○

聖主憂腐儒長偃臥念此淚潛流

送姚比部姬傳先生奉太夫人歸桐城

身事艱如此時比部飄然返故鄉關山依老母幻夢托
空王野闊風驅霧秋深月帶霜南陔私欲贈無語忽沾

裳

別劉學海

漂○流○當○歲○暮○誰○與○其○艱○難○剩○有○知○心○在○那○堪○別○淚○彈○亂○
雲○荒○岸○失○落○日○大○江○寒○離○思○隨○芳○草○春○來○未○可○看○

客揚州寄家蕙川暨其弟箕浦

客○久○仍○高○臥○艱○難○耻○衆○憐○樸○誠○時○世○賤○兄○弟○汝○家○賢○其○
喻○琴○音○古○何○妨○木○榻○穿○揚○州○春○正○好○目○斷○杏○花○前○

釣臺

萬○峯○奔○欲○盡○雲○湧○大○江○來○昔○有○隱○淪○客○持○竿○茲○水○隈○至○

紫石泉山房詩鈔

卷二

二

今一片石猶剩漢時苔因問披裘意波流更不回

日泊金山

斜○漢○低○垂○岫○洪○流○遠○抱○城○金○銀○浮○夜○氣○江○海○接○秋○聲○古○
殿○偏○佳○麗○南○州○幾○戰○爭○客○星○今○夕○炯○風○浪○未○應○生○

焦山

賢○士○曾○棲○此○山○名○直○到○今○門○開○滄○海○近○峰○隱○少○微○溪○鱗○
閣○先○皇○夢○螭○廬○獨○夜○心○三○徵○終○不○起○念○此○忽○沾○襟○

過新嶺

萬○仞○俯○塵○海○飄○然○一○鳥○翰○日○隨○衆○峰○隱○人○與○亂○雲○寒○涉○

世心原拙潛身道亦難野花好顏色能得幾回看

海峯夫子歿後晤王濱麓感而有作

終古西河慟於今道豈移弦歌曾未寂衰絳漫相疑爾
我恩尤重存亡諾亦欺臨歧兩行淚末路更依誰

檢海峯先生遺札

一見竟長別開緘淚有聲可憐垂死日猶訂渡江盟
匍匐終何益蹉跎負此情千言傳絕筆字字愧先生

對雨

西風捲潭雨一半土青峰峰翠忽滅沒潭花時淡濃坐

紫石泉山房詩鈔

卷二

三

來不覺暝微月出寒松於此發淡省前途慎所從

與閔宛中夜話

各作新陳語都教涕笑橫私憐心久隱此地月偏明知
舊隨金散年華逐草生綠楊堤外水嗚咽爲誰鳴

哭李舒喬

歌舞論心日淒涼訣別時人生如此幻我輩欲何爲
杯酒成誤刀圭竟莫支誰憐挺奇抱商賈畢書詩

晤劉效斟因憶海峯先生

歷歷關西痛言之不忍詳因君來歛浦觸我憶樅陽語

少衣多涕愁。溪夜更長遺書誰護惜。終古此牽腸。

石頭城

六代鶯花後。重來倚石頭。金焦仙佛窟。龍虎帝王州。燈影三更市。簫聲十里舟。一時今古恨。齊到大江樓。

哭江陰春

怪來糧已絕。閉戶尙攤書。爾竟奇窮死。春偏著意舒。澗花明豔豔。仙旆去徐徐。殞爾艱難甚。倉皇孰助予。

其二

舊○侶○惟○君○在○如○何○君○又○捐○君年未冠借予三從弟字讀書子塾弟前年歿而君今亦

紫石泉山房詩鈔 卷二

四

棄我矣論心思少日分手惜殘年。漸覺蒼顏變。空憐碧草鮮。從今孰寂寞。兀坐似枯禪。

余忠宣公墓

百戰臣才竭。含哀赴水涯。綱常支一代。骨肉痛全家。古墓遲初日。空江冷暮霞。千秋勤仰止。半月爲停車。墓在大觀

亭寺內予以事居大觀亭半月

登大觀亭

突兀臨江立。江光三面看。西通湖水險。東走海門寒。旦暮悲歡變。乾坤去住難。因之問今古。寂寞獨憑欄。

送外弟程自吉就道歸而黯然賦此

送爾登舟去歸來黯自傷。誼同骨肉別覺更淒涼。寂
寞筇孤倚。裴回徑漸荒。案頭閒楮墨。一顧一牽腸。

謝舅氏儀部程端立先生以白金見惠

身有千秋寄家無並日禾古人同病此造物竟如何。長
者真憐我春風滿薜蘿。報章珍重甚傲骨敢消磨。

留別唐均佐

古道賤如土窮途獨遇君。蓋傾新邂逅醴設久殷勤。握
手花方豔臨歧日欲曛。離亭一分手野水與寒雲。

紫石泉山房詩鈔 卷二

五

再泊湖州

往來纔一月兩度到湖州。野渚荒荒白春陰黯黯愁。有
山屯虎豹多時湖盜無地牧騏驎。解纜容登眺裴回且倚樓。

喜金生應璞至

繞屋水云。泛樵歌。隔水聞故交。同落葉新識似浮雲。鍵
戶子常懶親師子。獨殷名家風義古珍重託斯文。

金生餽藥

貧到藥鑪斷。胸如水不波。天心危處見。道力病中多。感
子勤拳意。憐予旦暮過。刀圭如果效。安命信如何。

雨中喜鮑生一鴻至
冷雲凝不散散作雨霏霏
一病春陰積三年舊侶違
故人情款款不惜語依依
月出催歸去猶聞鼓瑟希

病久書感

負我千秋業淒涼病榻穿
無人占象緯有淚滿丹鉛
對月思前事臨風更黯然
先人曾遭疾鍵戶十三年

左叔固亡予既有詩哭之復成此篇兼以自慨
同輩今凋盡餘生可奈何
人間知己少地下故交多
暮齒兼離索春風憶嘯歌
揆天猶有筆未死敢消磨

紫石泉山房詩鈔

卷二

六

歲暮感懷兼憶五兒邦任河南之行

急雪舞簷端蕭蕭送臘殘
簞瓢消遣易骨肉別離難
齒邁年踰迅人希氣更寒
何當歸省近一笑薦春盤

哭方鶴清

嬰鑠全輸爾誰知先我徂
舊遊從此盡予總角之好僅
矣急難更誰呼俠氣猶盈座
哀聲已載途長沙欣有子
魂返莫長吁

別朱白泉駕部

以下二集

華鏡夾明月我醉子何如
杜若風前韻梧桐雨後疎
中

鶻惜分袂旅雁莫忘書迢遞層雲上何緣問荷鋤

春日送族丈來旬之淮上

雞鳴曉河沒秣馬出城闌初日麗瑤榭春風動香塵君
今淮浦去衣拂柳條新到日新知樂何因憶故人

春日思歸

花○葉○兩○依○依○東○風○何○處○歸○山○川○不○改○色○雲○日○自○春○暉○會
冷○雖○無○路○芳○菲○詎○忍○違○相○思○似○黃○鳥○長○繞○故○枝○飛

秋日懷家方度

雨○歇○日○回○照○秋○山○生○暮○青○高○城○動○悲○杵○幽○戶○入○流○螢○念

紫石泉山房詩鈔

卷二

七

子辭吳會停舟在楚汀瑤波如可託一爲弔湘靈

望遠曲

美○人○若○明○月○窈○窕○欲○傾○城○萬○里○金○閨○遠○相○思○銀○漢○橫○停○
驂○候○山○鶴○鼓○棹○采○江○蕪○悵○望○終○難○近○秋○風○嫋○嫋○生

棄婦怨

月○缺○有○圓○時○懽○多○生○別○離○金○觴○難○再○御○珠○淚○忽○雙○垂○繾
素○非○難○織○芙○蓉○尚○有○姿○裴○回○不○能○去○夙○昔○歲○寒○期

懷左叔固

煙○澹○滄○波○夕○雲○橫○雁○翼○斜○高○臺○障○初○月○繡○戶○納○飛○霞○獨

酌停瑤瑟相思目水涯青青江上草爲爾攬芳華

道興

碧月上瑤林華雲覆翠岑攬衣還四顧窺鏡忽長吟楊柳秋前色芙蓉江上心青驪應待我前路雪霜深

江上

佳人有所思整帶吹參差楊柳煙波處桃花風日時颿檣暮不息江漢逝如斯明月有圓缺清光終不移

古意

藹藹瑤臺上春花照日初芳菲眞絕世婉變復何如白

紫石泉山房詩鈔

卷二

八

露下銀漢青苔生玉除秋風方自此團扇渺愁子

聽琴

餘雪延新霽華雲改故陰美人罷芳酒倚月奏瑤琴寂寂歲寒志琅琅清廟音曲終整巾帶江水萬重深

春感

春日散朱陽春心處處芳靡蕪江上綠楊柳隴頭黃雜佩嗟難飾韶華不可長窻前有明鏡爲我惜容光

山暮

雨止碧雲合清輝暮轉佳夕陰澁迴野微月上層崖忽

動。牽。蘿。輿。旋。傷。采。藥。懷。虺。噴。嗟。我。馬。應。亦。厭。天。涯。

別汪左儀

高。樓。明。月。光。中。夜。起。傍。徨。游。子。登。長。道。浮。雲。返。故。鄉。澤
蘭。含。水。綠。岸。菊。受。霜。黃。未。得。同。君。采。新。知。祇。自。傷。

別程巽行

仰。視。雙。黃。鵠。臨。歧。涕。各。垂。河。梁。秋。草。綠。隴。首。暮。雲。緇。游
子。星。霜。夕。故。人。歌。吹。時。相。思。應。漸。緩。努。力。自。扶。持。

巽行既別二日有作

嶺。霧。虧。朝。旭。汀。煙。散。夕。霏。故。人。前。日。去。鄉。信。異。時。稀。蒲。

紫石泉山房詩鈔

卷二

九

稗。客。中。飯。冰。霜。江。上。衣。君。看。雙。翡。翠。相。背。詎。能。飛。

古意

我。有。合。歡。衾。春。風。鐙。影。淡。芳。情。若。明。月。薄。醉。起。鳴。琴。恃
我。桃。花。色。遲。君。蘭。臭。音。秋。霜。忽。零。落。無。語。獨。傷。心。

眼語

蘭。含。水。綠。岸。菊。受。霜。黃。未。得。同。君。采。新。知。祇。自。傷。

高。樓。明。月。光。中。夜。起。傍。徨。游。子。登。長。道。浮。雲。返。故。鄉。澤

眼語

仰。視。雙。黃。鵠。臨。歧。涕。各。垂。河。梁。秋。草。綠。隴。首。暮。雲。緇。游

紫石泉山房詩鈔卷三

五言絕句 以下初集

烏聊山傍溪寺

溪光涼入寺澹澹清人心日午一聲磬梅花香滿林

奉別海峯夫子

忍淚鑿前語茲行未必回相思無盡日今夕且銜杯

追憶再從兄翰一

孤魂天一涯何日重泉遇楓葉落溪橋秋風分手處

客思

紫石泉山房詩鈔 卷三

放艇揚州去春風江草生流鶯能愛客不作別離聲

震澤湖

三萬六千頃驚濤蔽遠峯揚颿逐風日濯足走魚龍

重遊烏聊山傍溪寺

古寺石玲瓏重來久延佇不見舊時僧空山響秋雨

歸思

幾日東風返揚州花未開流鶯帶春色知自故鄉來

運方叔度不至

窈窕幽人居曲曲清溪裏日暮無人來山風落松子

幽居

一徑依巖阿青松間白石朝來露未晞下有幽人跡
舟中

秋風起遙岸歸思夜來生今朝竹西水盡作故鄉聲

僧舍

林上雲幾重林中竹萬个雲深竹亦深一徑入僧舍

懷姚比部王廣文

老至分三地相思各自知別來踰十載猶似合歡時

雜歌四首 以下二集

紫石泉山房詩鈔

卷三

二

濯髮臨大江奔騰日夜鳴不知江頭水流向何時平

其二

駿馬門外鳴美人帳前舞老親堂上饑路人涕如雨

其三

大海亦有陵平陸亦有瀾衝颺華屋溫烈日幽谷寒

其四

巨石橫山南喬木直山北相望如有情終古不相識

道傍兒

我馬元以黃我僕相扶將我親不我知淚下沾衣裳

遠行

秋○草○鳴○驛○驅○蕭○蕭○南○陌○頭○仰○窺○白○日○晚○俯○瞰○大○江○流○

絕句

木○蘭○宜○早○琴○江○皋○日○將○夕○對○客○不○能○言○中○心○機○杼○織○

秋思

蟋○蟀○鳴○西○堂○雲○旗○暎○華○月○芳○心○入○轆○轤○回○環○何○日○歇○

月

上○旬○月○上○弦○下○旬○月○下○弦○上○下○三○十○日○只○有○一○宵○圓○

懷汪左儀

紫石泉山房詩鈔

卷三

三

我○有○白○蘋○芳○能○令○江○水○香○隨○風○千○百○折○無○日○到○君○旁○

閨怨

貧○賤○舊○人○憐○富○貴○新○人○攀○君○今○黃○金○盡○恩○愛○儻○中○還○

懷葉天雨

別○來○塵○冥○冥○歲○久○無○書○札○攬○鏡○日○思○君○何○須○君○識○察○

呈劉學海

春○風○動○園○林○與○子○愁○相○向○各○言○懷○故○鄉○來○向○江○頭○望○

隴頭流水歌二首

攀○枝○上○隴○阪○愁○聽○流○聲○咽○誰○知○隴○頭○水○乃○是○孤○兒○血○

其二

在○家○貧○亦○好○出○門○奚○爲○者○阿○母○當○門○嘯○隴○水○流○離○下○

企喻歌

健○兒○自○言○健○不○用○鐵○錮○鎗○橫○行○如○鶴○子○赤○手○生○擒○王○

紫騮馬歌

鬼○哭○長○城○上○人○戲○長○城○下○郎○若○不○殺○人○安○用○紫○騮○馬○

折楊柳歌

折○柳○還○自○贈○莫○作○郎○馬○鞭○郎○不○鞭○郎○馬○郎○身○那○得○前○

出門

紫石泉山房詩鈔

卷三

四

湯○湯○水○爲○車○郁○郁○蘭○爲○旌○黃○瓜○一○小○草○無○故○動○鄉○情○

懷左叔固

明○星○照○南○牖○寄○言○河○漢○私○芙○蓉○雖○落○盡○見○藕○是○相○思○

懷陳碩士

郁○郁○中○林○蕙○君○情○與○之○芳○悠○悠○洞○庭○水○我○愁○與○之○長○

夜夜曲

君○醉○黃○金○盤○妾○倚○朱○闌○千○寸○心○非○滄○海○夜○夜○生○波○瀾○

閨情

江○波○有○返○日○磐○石○有○移○時○日○日○蒙○君○寵○君○心○焉○敢○知○

右五言三體詩如千首吾 師澹泉先生作也
先生以經學古文擅一時而尤嗜吟詠初學杜子
美繼乃刻意漢魏六朝五言諸體之工置之古人
集中始不可辨是編 先生所鈔示者梓 先生
古文竟輒附刊其後此外各體俟蒐輯成帙謹當
續梓以公海內云嘉慶庚午上巳受業鮑士貞敬
識

